

Բերդիս ստորոտներն կան շատ մի աւերակ թաղեր, — Սորանցոյ, Փեթակձոց, Լէն, որ ժողովուրդն ցմիշտ պեղելով՝ հին շինութեանց հողի տակ մնացած քարերը դուրս կը հանէ, իրար վերայ կուտելով՝ նոր շինութեանց տէրերուն կը վաճառէ:

Բերդիս աղբիւրներն, — Հեռի սարերէ ազուգայներով աղբիւրներ բերուած են հին Վաղարշակերտը, որոց մեծերն են Շահիօլի<sup>1</sup>, Ֆէրարի, Փաշի, Բալօյի Լէն, գրեթէ ամենն ևս ունին փողրանկներ և կարելի էր սակաւ ծախքով դարձեալ ջուր բերել:

Ջրուղիներու վերայ շարուած ազուգայք մեծ և կարծր լինելն ապացոյց են հնութեանց, քաղաքիս բազմամարդութեան, որ կարողացած են  $3\frac{1}{2}$  ժամ հեռի լեռներու գագաթներն ու կողերն պեղելով ջուր հասցնել:

Շահիօլ աղբիւրն՝ որ կը գտնուի Շահիօլ լեռներու գագաթն, սորա մեծ մասն ազուգայներու մէջ առնելով 3 ժամու չափ արևելեան հարաւ, հինն Վաղարշակերտ հասուցած են:

Բազրեանդ որչափ որ անհաշիւ աղբիւրներով կը վիստայ, սակայն զիւղաքաղաքիս գետինը մեծ մասամբ կրաքարի ժայռերէ կազմուած, տեղ տեղ այդ ժայռերն քայքայուած դրութեան ենթարկուած են, վասն որոյ բնական աղբիւրներ քիչ կան, եղածն ևս՝ աղի վիճակի մէջ կը գտնուին:

Վաղարշակերտի շուրջն կան սառն և կենդանու-

---

<sup>1</sup> Առ հասարակ տեղացիկ է: Կը հնչեն փոխանակ կէ: միահնչման, որ ընդհանրապէս տաճ. հնչում է. նաև կը գրեն հ: որ աւելի ճիշդ է: